

Broj: 03-04-435/23
Sarajevo, 19.10.2023. godine



PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku
n/p gđi Keneli Zuko, zastupniku ✓

Predmet: Odgovor na zastupničku inicijativu

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08 i 26/20), u privitku Vam dostavljam akt Federalnog ministarstva obrazovanja i nauke, broj: 03-34-3956-1/23 od 13. listopada 2023. godine, koji je u svezi sa zastupničkom inicijativom zastupnika Kenele Zuko.

S poštovanjem,



Privitak: kao u tekstu

Broj: 03-34-3956-1/23
Mostar, 13.10.2023. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
SEKRETARIJAT
n/r gđa. Edita Kalajdžić, sekretar
Hamdije Čemerlića 2
71 000 Sarajevo

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO: 18.10.2023			
Organizaciona jedinica	Klasifikaciona oznaka	Redni broj	Broj priloga
03-04-435			2023

PREDMET: Zastupnička inicijativa gđe Kenele Zuko - odgovor, dostavlja se

VEZA: Vaš akt broj: 03-04-435/23 od 01.09.2023. godine

Poštovana,

Federalno ministarstvo obrazovanja i nauke je zaprimilo Vaš akt, broj i datum veze, u prilogu kojeg ste nam dostavili zastupničku inicijativu, koju je podnijela gđa Kenela Zuko, zastupnica u Zastupničkom domu Parlamenta Federacije BiH, a koja je Vladi Federacije Bosne i Hercegovine dostavljena aktom Zastupničkog doma Parlamenta Federacije BiH, broj: 05/1-02-273/23 od 30.08.2023. godine. Zastupnica Kenela Zuko je podnijela sljedeću inicijativu:

„Inicijativu nadležnim ministarstvima da, u skladu sa Zakonom o ustanovama socijalne zaštite, započnu izradu tri pravilnika“, uz obrazloženje:

„Zakon o ustanovama socijalne zaštite propisuje tri pravilnika, a koji se odnose na:

1. Rad i socijalna politika (socijalno zbrinjavanje)
2. Pravilnik o standardima pružanja zdravstvene njege
3. Pravilnik iz oblasti obrazovanja koji uređuje programe obrazovanja i osposobljavanja kadrova“, s molbom da nadležna ministarstva što hitnije izrade ove pravilnike kako bi se u ustanovama za socijalnu zaštitu isključivo zapošljavali stručni kadrovi, te da Vlada FBiH, odnosno nadležno ministarstvo treba prilikom rebalansa budžeta planirati sredstva za ovu namjenu.

Federalno ministarstvo obrazovanja i nauke ispod daje odgovor na navedenu zastupničku inicijativu.

Prema članu 7. stav 3. Zakona o ustanovama socijalne zaštite Federacije BiH, u skladu sa stručnom procjenom nadležnog stručnog tijela, dijete koje se nalazi na smještaju u federalnoj ustanovi socijalne zaštite uključuje se u redovne ili prilagođene obrazovne programe pri odgojno-obrazovnim ustanovama koje djeluju na području na kojemu federalna ustanova socijalne zaštite ima sjedište.

Prema članu 7. stav 4. Zakona, izuzetno, ukoliko to prema stručnoj procjeni nadležnog stručnog tijela nije moguće, dijete iz stava (3) ovoga člana uključuje se u programe osposobljavanja koje, u skladu s vrstom smještaja i stepenom potrebne podrške korisniku iz člana 6. ovoga zakona, organizuje i sprovodi federalna ustanova socijalne zaštite.

Prema članu 7. stav 6. Zakona, programe osposobljavanja iz stava (4) ovoga člana sačinjava federalna ustanova socijalne zaštite u roku od šest mjeseci od dana dobivanja rješenja o ispunjavanju uslova za obavljanje osnovne djelatnosti.

Prema članu 7. stav 7. Zakona, sačinjeni programi osposobljavanja dostavljaju se na odobrenje kantonalnom ministarstvu nadležnom za odgoj i obrazovanje s područja na kojemu federalna ustanova socijalne zaštite ima sjedište.

Prema članu 7. stav 8. Zakona, sredstva za uključivanje u redovne ili prilagođene obrazovne programe pri odgojno-obrazovnim ustanovama, kao i za organizovanje i provođenje programa iz stava (4) ovoga člana obezbjeđuju se u budžetu Federacije na poziciji Federalnog ministarstva obrazovanja i nauke.

Prema članu 7. stav 9. Zakona o ustanovama socijalne zaštite Federacije BiH, kantonalni ministar nadležan za odgoj i obrazovanje s područja na kojemu federalna ustanova socijalne zaštite ima sjedište će, u saradnji s Federalnim ministarstvom obrazovanja i nauke, propisati minimalne standarde, odnosno opšte i posebne uslove koje moraju ispunjavati federalne ustanove socijalne zaštite u pogledu prostora, opreme i kadra za provođenje programa osposobljavanja iz stava (4) ovoga člana, a prema djelatnosti federalnih ustanova socijalne zaštite za koju su registrovane.

Dana 06.10.2023. godine, u organizaciji Federalnog ministarstva rada i socijalne politike, održan je sastanak u vezi realizacije odredbi Zakona o ustanovama socijalne zaštite Federacije BiH, koje se odnose na segment odgoja i obrazovanja.

Jedan od zaključaka sastanka bio je formiranje interresorne radne grupe za izradu Programa osposobljavanja u JU Zavod za zbrinjavanje mentalno invalidne djece i omladine Pazarić, koji podrazumijeva obrazovanje korisnika Ustanove koji zbog njihovog zdravstvenog stanja nisu u mogućnosti pohađati nastavu u okviru redovnog ili prilagođenog obrazovanja u odgojno-obrazovnim ustanovama. Također, dogovoreno je da će nakon izrade navedenog programa osposobljavanja započeti izrada standarda iz oblasti obrazovanja za ustanove socijalnog zbrinjavanja u Kantonu Sarajevo. U vezi s tim, Federalno ministarstvo obrazovanja i nauke je imenovalo svoje članove interresorne radne grupe za izradu Programa.

Također, Federalno ministarstvo obrazovanja i nauke je federalnim ustanovama socijalne zaštite uputilo upit o provođenju obaveza utvrđenih Zakonom o ustanovama socijalne zaštite Federacije BiH, koji se odnosio na provođenje pohađanja redovnih ili prilagođenih obrazovnih programa pri odgojno-obrazovnim ustanovama na području na kojem ustanova ima sjedište, te da li organiziraju i provode programe osposobljavanja za korisnike u ustanovi. Na osnovu njihovih odgovora utvrdit će se dalje aktivnosti u cilju provođenja obaveza utvrđenih navedenim zakonom.

Pored navedenog, u okviru Programa utroška sredstava s kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2023. godinu Federalnog ministarstva obrazovanja i nauke, planirano je (su)finansiranje programa „Podrška radu ustanova socijalne zaštite Federacije BiH za provođenje odgojno-obrazovnih aktivnosti“ u iznosu od 200.000,00 KM. Korisnik sredstava navedenog programa je JU Zavod za zbrinjavanje mentalno invalidne djece i omladine Pazarić, koji će provoditi sljedeće oblike obrazovanja i osposobljavanja: obrazovanje djece u redovnim osnovnim školama po prilagođenom planu i programu; obrazovanje djece u specijaliziranim obrazovnim ustanovama za djecu s teškoćama u razvoju (osnovna škola i srednja škola), i osposobljavanje djece i mladeži u ustanovi od strane defektologa, odgajatelja i okupacionih terapeuta. Korisnik sredstava, JU Zavod za zbrinjavanje mentalno invalidne djece i omladine Pazarić će provoditi i stručno osposobljavanje i usavršavanje radnika za nadogradnju postojećih i sticanje novih znanja svih radnika u ovoj ustanovi uz angažman eksternih stručnih kadrova i predavača.

S poštovanjem,



MINISTRICA

Jasna Duraković
prof. dr. Jasna Duraković